

**Pregled stavova sudske prakse sudova najviše instance u Bosni i Hercegovini¹
od januara do marta 2026. godine**

➤ **Građansko materijalno pravo**

Oblast	Deskriptor(i)	Stav sudske prakse	Naziv suda i broj predmeta
Obligaciono pravo			
Osiguranje Parnični postupak	Osiguranje imovine Teret dokazivanja	Postojanje saglasnosti osobe u čiju korist je policia osiguranja vinkulirana predstavlja činjenicu koja konstituiše pravo osiguranika da zahtijeva isplatu naknade od osiguravača i stoga je tu činjenicu u postupku dužan dokazati osiguranik. Takvu suglasnost osiguranik mora dostaviti do zaključenja pripremnog ročišta pred prvostepenim sudom, a izuzetno i na glavnoj raspravi, ukoliko su ispunjeni uslovi iz člana 102. stav 2. ZPP, a ne nakon pravomoćnosti presude, prilikom dobrovoljnog ili prinudnog izvršenja.	Vrhovni sud Federacije BiH 68 1 Ps 017900 25 Rev
Osiguranje	Osiguranje imovine	Kada je osiguranik vinkulirao policu osiguranja u korist treće osobe, tada je u slučaju nastupanja osiguranog slučaja osiguranik u sudskom postupku aktivno legitimisan tražiti isplatu od osiguravača ako ima saglasnost osobe u čiju je korist policia vinkulirana, a ukoliko takvu saglasnost ne posjeduje, tada je aktivno legitimisana osoba u čiju je korist policia vinkulirana.	Vrhovni sud Federacije BiH 65 0 P 896784 25 Rev
Ugovori	Otpremanje-špedicija	Radnje koje je obavio podšpediter (plaćanja carina, ležarine, transporta i drugih dadžbina) imaju se smatrati kao sopstvene radnje glavnog špeditera koji je zaključio ugovor sa tuženim, pa glavni špediter ima pravo da od tuženog potražuje naknadu istih.	Vrhovni sud Federacije BiH 65 0 Ps 920379 25 Rev
Ugovori Osiguranje	Ugovor o kreditu Osiguranje imovine	Nastupanjem osiguranog slučaja - smrti korisnika kredita nastaje primarna obaveza davaoca kredita da pravo iz vinkulirane polise osiguranja ostvari u odnosu na davaoca osiguranja, a supsidijarno od nasljednika korisnika kredita ukoliko u njegovom ostvarenju ne uspije.	Vrhovni sud Federacije BiH 39 0 P 071206 25 Rev

¹ Sudske odluke navedene u dokumentu možete naći na Portalu sudske prakse koji je dostupan na linku <https://sudskapraksa.pravosudje.ba/>. Portalu takođe možete pristupiti i preko internet stranica sudova najviše instance u Bosni i Hercegovini, odnosno internet stranice Visokog sudskog i tužilačkog vijeća Bosne i Hercegovine.

JAVNO

Ugovori	Prodaja	Trajni dugovinski odnos iz ugovora o kupoprodaji zaključenog na tačno određeno vrijeme, uz utvrđene sukcesivne obaveze kupca i prodavca, prestaje važiti istekom vremena na koje je zaključen, izuzev ako je produžen na neodređeno vrijeme zbog toga što nije blagovremeno otkazan.	Vrhovni sud Federacije BiH 51 0 Ps 220815 25 Rev
Ugovori	Zajam	Ugovor o zajmu novca, na kome je notar izvršio ovjeru potpisa zajmoprimca, po svojoj sadržini ostaje privatna isprava, a samo bilješka notara o ovjeri potpisa ima svojstvo i dokaznu snagu javne isprave o činjenicama o kojima se u njoj svjedoči (u konkretnom slučaju da je zajmoprimac pred notarom priznao kao svoj potpis koji se već nalazio na ugovoru o zajmu). Stoga ne postoji zakonska pretpostavka tačnosti sadržine ugovora o zajmu te je na zajmodavcu teret dokazivanja da je zajmoprimcu predao novac na zajam.	Vrhovni sud Federacije BiH 32 0 P 453708 25 Rev
Prestanak obaveze	Zastarjelost	Pravosnažnošću presude kojom je odbijen zahtjev za poništenje odluke o isključenju člana društva, kojom je određena i isplata tržišne vrijednosti udjela, dospijeva i obaveza društva za isplatu tržišne vrijednosti udjela.	Vrhovni sud Federacije BiH 17 0 P 081744 25 Rev
Prestanak obaveze	Ispunjenje	Kada su stranke Protokolom o saradnji ugovorile dinamiku plaćanja dospjelog duga, ne primjenjuje se pravilo o redu uračunavanja za ispunjenje obaveze redom kako je koja dospjela za ispunjenje.	Vrhovni sud Federacije BiH 32 0 Ps 358785 25 Rev
Prestanak obaveze	Zastarjelost	Dok god ne zastari obaveza glavnog dužnika, po osnovu ugovora o kreditu za koji je jemčio solidarni jemac, ne zastarijeva ni obaveza solidarnog jemca.	Vrhovni sud Republike Srpske 57 0 Ps 137418 25 Rev
Prouzrokovanje štete	Naknada materijalne štete Obična šteta	Kada banka, protivno izrečenoj zabrani iz mjere osiguranja, u periodu trajanja mjere, odobri naloge i provodi transakcije na teret računa protivnika osiguranja, u korist primatelja računa i njegovih komitenata, umjesto da sva ta novčana sredstva blokira i zadrži za predlagača do okončanja parničnog postupka ili do ukidanja mjere osiguranja, odgovara predlagaču osiguranja za prouzrokovanu štetu po opštim pravilima o naknadi štete.	Vrhovni sud Federacije BiH 58 0 Ps 221679 25 Rev

Radno pravo			
Prava radnika izabranih i imenovanih na javne dužnosti ili profesionalne funkcije	Javna dužnost	Pojam „javne dužnosti“ iz člana 168. stav 1. Zakona o radu FBiH ne podrazumijeva isključivo vršenje određene izborne javne djelatnosti u organima izvršne ili zakonodavne vlasti, već u širem smislu podrazumijeva i vršenje dužnosti u rukovodstvu nekih drugih državnih institucija ili organa, kao što je to Centralna banka BiH. Stoga ugovor o radu, kojeg je tužitelj zaključio sa Centralnom bankom BiH, predstavlja ugovorno-statusni odnos za mandatno radno mjesto „zamjenik glavnog internog revizora“, pri čemu vršenje te dužnosti iziskuje prestanak rada tužitelja kod tuženog poslodavca, pa tužitelju prava i obaveze iz radnog odnosa miruju.	Vrhovni sud Federacije BiH 58 0 Rs 259847 25 Rev
Zaštita radnika	Pobijanje odluke disciplinskih organa Pobijanje odluke o prestanku radnog odnosa	Drugačija kvalifikacija radnje povrede radne obaveze, koju može odrediti i sud, ne utiče na zakonitost izrečene disciplinske mjere.	Vrhovni sud Federacije BiH 65 0 Rs 895539 25 Rev
Zaštita radnika	Pobijanje odluke disciplinskih organa Pobijanje odluke o prestanku radnog odnosa	Na zakonitost odluke o izrečenoj disciplinskoj mjeri ne utiče okolnost što je učinjena povreda radne obaveze podvedena pod drugi, a ne odgovarajući propis.	Vrhovni sud Federacije BiH 65 0 Rs 895539 25 Rev
Zaštita radnika	Za isplatu otpremnine	Prestankom radnog odnosa zbog isteka mandata nisu ostvareni uslovi za isplatu otpremnine, bez obzira što je nakon prestanka radnog odnosa ostvareno pravo na starosnu penziju iz razloga jer je zakonski osnov za isplatu otpremnine isključivo prestanka radnog odnosa zbog odlaska u penziju.	Sud Bosne i Hercegovine S1 3 P 048140 25 Rev

Zaštita radnika	Za isplatu drugih naknada iz rada	Stož osiguranja (radni staž) je vrijeme provedeno u radnom odnosu kod poslodavca i vezan je za ostvarivanje prava iz radnog odnosa, dok se u poseban staž, kao dio penzijskog staža, računa vrijeme provedeno u pripremama za odbranu i odbrani BiH u periodu od 18.9.1991. do 23.12.1995. godine, na osnovu kojeg se ostvaruju prava iz penzijskog i invalidskog osiguranja, zbog čega se na poseban staž ne obračunava minuli rad, kao pravo iz radnog odnosa.	Vrhovni sud Federacije BiH 65 O Rs 942367 25 Rev
-----------------	-----------------------------------	--	---

➤ Građansko procesno pravo

Oblast	Deskriptor(i)	Stav sudske prakse	Naziv suda i broj predmeta
Parnični postupak			
Dokazi	Isprave	Sudovi su dužni da primijene pravila postupka izbjegavajući bilo pretjerani formalizam koji bi ugrozio pravičnost postupka, tako i pretjeranu fleksibilnost koja bi učinila beznačajnim proceduralne zahtjeve predviđene zakonom. Insistiranje na prijevodu isprave (prometne dozvole) sačinjene na slovenačkom jeziku, pri čemu relevantni sadržaj isprave, koji se odnosi na vlasnika motornog vozila, ne ostavlja nikakve nejasnoće i dileme čitaocu i potpuno je razumljiv neovisno o poznavanju slovenačkog jezika, u okolnostima konkretnog slučaja bi predstavljao pretjerani formalizam.	Vrhovni sud Federacije BiH 43 O P 242082 25 Rev
Prvostepeni postupak	Teret dokazivanja	Tužitelj, kao imalac motornog vozila, koji tvrdi da je udes prouzrokovan isključivom krivicom drugog imaooca motornog vozila, dužan je to u postupku i dokazati.	Vrhovni sud Federacije BiH 43 O P 242082 25 Rev
Revizija	Vrsta spora - privredni spor	Spor između tužitelja, kao pravnog lica i vlasnika oštećenog motornog vozila, i tuženog osiguravajućeg društva radi naknade štete na osnovu ugovora o osiguranju zaključenog između tih pravnih osoba predstavlja privredni spor. Međutim, kada pravno lice, kao vlasnik motornog vozila na kome je u saobraćajnoj nezgodi nastupila materijalna šteta zahtijeva naknadu štete od tuženog osiguravajućeg društva jer ju je skrivio njegov osiguranik, tada se ne radi o privrednom sporu jer između stranaka nije zaključen ugovor o osiguranju od automobilske odgovornosti, odnosno jer spor ne proizilazi iz prava i obaveza po osnovu pravnog prometa usluga.	Vrhovni sud Federacije BiH 43 O P 242082 25 Rev

Vrijednost predmeta spora	Utvrđivanje vrijednosti spora	Kada se tužbeni zahtjev odnosi na nenovčano potraživanje, tužilac je prekludiran u pravu da mijenja vrijednost predmeta spora koju je naznačio u tužbi. Samo sud može, pozivom na odredbu člana 321. stav 3. ZPP, mijenjati vrijednost spora nenovčanog zahtjeva.	Vrhovni sud Republike Srpske 71 O P 377363 25 Rev
Standardi zaštite ljudskih prava			
Evropska konvencija o ljudskim pravima i osnovnim slobodama	Član 8. Pravo na poštovanje privatnog i porodičnog života, doma i prepiske	Pravo na dom pruža zaštitu od neopravdanog miješanja u postojeći dom, ali ne uključuje i pravo na otkup stana koji predstavlja dom.	Vrhovni sud Federacije BiH 45 O P 047569 25 Rev

➤ **Krivično materijalno pravo**

Oblast	Deskriptor(i)	Stav sudske prakse	Naziv suda i broj predmeta
Krivično pravo – opći dio			
Krivično djelo	Saučiniteljstvo	Radnje učinitelja koje se ogledaju u upravljanju vozilom na način da je zapriječio prolaz vozilu oštećenog i zajedno sa drugim učiniteljem prišao vozilu oštećenog, spriječio izlazak oštećenog iz vozila na drugu stranu, te uputio prijetnju oštećenom tražeći novac, pozivajući se pri tome na opasno oruđe koje je u ruci držao drugi učinitelj, predstavljaju saizvršiteljske radnje učestvovanjem u učinjenju krivičnog djela Razbojništvo iz člana 289. stav 2. KZ FBiH.	Vrhovni sud Federacije BiH 04 O K 014757 24 Kž

➤ Krivično procesno pravo

Oblast	Deskriptor(i)	Stav sudske prakse	Naziv suda i broj predmeta
Opće odredbe			
Osnovna načela Tok postupka – žalba na prvostepenu presudu – žalbeni osnovi	Jezik i pismo/Pravo na upotrebu jezika i pisma Bitna povreda – presuda se zasniva na dokazu na kome se po odredbama ZKP FBiH ne može zasnivati presuda	Pravo na upotrebu jezika i pisma iz člana 9. ZKP FBiH nije povrijeđeno samim tim što prevod tokom prikupljanja dokaza u istrazi nije izvršio stalni sudski tumač, pa u situaciji kada nije upitan kvalitet prevoda osobe koju je organ krivičnog postupka postavio za sudskog tumača u konkretnom slučaju, nema povrede pomenute zakonske odredbe i samo zbog toga što sudski tumač nije bio na listi stalnih sudskih tumača nije učinjena bitna povreda odredaba krivičnog postupka iz člana 312. stav 1. tačka i) ZKP FBiH.	Vrhovni sud Federacije BiH 09 0 K 045675 25 Kž 9
Nadležnost suda Zakon o suzbijanju korupcije i organiziranog kriminala	Stvarna nadležnost suda Nadležnost Posebnog odjela	Posebni odjel Vrhovnog suda Federacije Bosne i Hercegovine za korupciju, organizirani i međukantonalni kriminal nije stvarno nadležan za krivično djelo Neovlaštena proizvodnja i stavljanje u promet opojnih droga iz člana 238. stav 2. KZ FBiH, jer to krivično djelo nije navedeno u članu 25. Zakona o suzbijanju korupcije i organiziranog kriminala u Federaciji Bosne i Hercegovine, u kojem su taksativno, navođenjem pojedinih krivičnih djela ili navođenjem svih ili pojedinih krivičnih djela iz određene Glave KZ FBiH, navedena krivična djela iz nadležnosti Posebnog odjela Vrhovnog suda Federacije Bosne i Hercegovine za korupciju, organizirani i međukantonalni kriminal, nego je, u smislu člana 28. Zakona o sudovima u Federaciji Bosne i Hercegovine, za to krivično djelo stvarno nadležan kantonalni sud.	Vrhovni sud Federacije BiH 70 1 K 000047 25 Kr

Posebni postupci			
Međunarodna pravna pomoć	Zahtjev - zamolnica za međunarodnu pravnu pomoć Uzajamnost - reciprocitet	U postupcima međunarodne pravne pomoći koji se odnose na priznanje strane sudske odluke, zamolnica države moliteljice ne može se prihvatiti ukoliko sadrži uslov da se izrečena kazna u zamoljenoj državi ne može zamijeniti novčanom kaznom ili drugom probacijskom mjerom. Takav uslov nije dopušten bez obzira na visinu izrečene kazne zatvora, jer bi njegovo prihvatanje bilo u suprotnosti sa pravima koja osuđeni ima prema domaćem krivičnom zakonodavstvu, a koja imaju prednost u odnosu na obavezu pružanja međunarodne pravne pomoći.	Sud Bosne i Hercegovine S1 2 K 052293 25 Kž

➤ **Upravno pravo**

Oblast	Deskriptor(i)	Stav sudske prakse	Naziv suda i broj predmeta
Upravno materijalno pravo			
Branilačko/ boračka- invalidska zaštita	Medicinsko pomagalo	Na osnovu utvrđenog činjeničnog stanja prvostepeni organ je pravilno zaključio da je tužilac pravo na ortopedsko pomagalo već ostvario putem Ministarstva rada i boračko invalidske zaštite, pa da iz tog razloga ne može to pravo ostvariti i kod tuženog Fonda zdravstvenog osiguranja, a u skladu sa Protokolom koji su zaključili Fond i Ministarstvo kojim je posebnoj kategoriji osiguranika-ratnim vojnim invalidima data mogućnost izbora sistema ostvarivanja prava na medicinsko sredstvo, i to ili putem obaveznog zdravstvenog osiguranja ili putem Ministarstva u vidu novčanih sredstava.	Vrhovni sud Republike Srpske 11 0 U 034782 24 Uvp
Građevinska odobrenja/ Prostorno planiranje/ uređenje i građenje	Legalizacija	U upravnom postupku nisu utvrđene odlučne činjenice za pravilnu primjenu materijalnog prava, jer su tuženi u osporenom aktu, a i nižestepeni sud u pobijanoj presudi, prerano zaključili da objekat tužioca nije izgrađen do 31.12.2013. godine i da nisu ispunjeni uslovi za utvrđivanje legalnosti predmetnog objekta propisani odredbom člana 8 stava 2 Zakona o legalizaciji.	Vrhovni sud Republike Srpske 13 0 U 007955 24 Uvp

JAVNO

Imovinsko-pravni odnosi	Ispravljanje greške u katastarskom operatu	Zainteresovano lice je kupilo k.č. broj: 2457/2, 2457/3 i 2457/4, koje stvarno uživa, na kojem zemljištu je sagradio porodičnu kuću u kojoj živi, a prilikom izlaganja nepokretnosti na javni uvid i utvrđivanja prava na nepokretnostima nije pozivan, niti je učestvovao u tom postupku u kojem je učinjena greška, to je istu valjalo ispraviti i odrediti stvarnog nosioca prava svojine.	Vrhovni sud Republike Srpske 11 0 U 034539 24 Uvp
Imovinsko-pravni odnosi	Dobrovoljačke kompetencije	Tokom postupka nije utvrđeno pravno sljedništvo tužioca sa dobrovoljcem G.C, pa ni osnov za priznavanje dobrovoljačke kompetencije, jer tužilac nije dokazao svoje tvrdnje da je njegov otac naslijedio dobrovoljca G.C.	Vrhovni sud Republike Srpske 13 0 U 007814 24 Uvp
Izborni zakon BiH - Osnovne odredbe	Pripadnost mandata i prestanak mandata	Mandat izabranom članu organa prestaje danom pravosnažnosti sudske odluke kojom mu je izrečena kazna zatvora u trajanju od šest mjeseci ili duže, pri čemu je bez uticaja činjenica da je žalitelj podnio zahtjev za zamjenu kazne zatvora novčanom kaznom, jer se takvom zamjenom ne mijenja vrsta sankcije izrečene pravosnažnom presudom, već ona predstavlja samo poseban način izvršenja.	Sud Bosne i Hercegovine S1 3 Iž 054202 26 Iž
Porezi, doprinosi i takse	Republička i komunalna taksa	Tužilac je na predmetnom objektu u kojem obavlja svoju registrovanu djelatnost istakao poslovno ime, za šta se ne plaća komunalna taksa, s obzirom da je odredbom člana 1 Zakona o izmjenama i dopunama Zakona („Službeni glasnik Republike Srpske“ broj 119/21), koji je stupio na snagu 01. januara 2022. godine, brisana odredba člana 3 stav 1 tačka g) Zakona, kojom je bilo propisano da se komunalna taksa može utvrditi za isticanje poslovnog imena pravnog lica ili preduzetnika na poslovnim prostorijama, pa je pobijanom presudom pravilno poništen osporeni akt.	Vrhovni sud Republike Srpske 14 0 U 006544 24 Uvp
Prava iz zdravstvenog osiguranja	Refundacija troškova lijeka	Po nalaženju Vrhovnog suda, nisu ispunjeni uslovi za refundaciju troškova nabavke lijekova koji su navedeni u dispozitivu prvostepenog rješenja iz razloga što se lijekovi, preparati i pomoćna sredstva, za koje je tužiteljica postavila zahtjev, ne nalaze na listi lijekova koji se izdaju na recept i koji se finansiraju iz sredstava obaveznog zdravstvenog osiguranja pri čemu je tužiteljica zahtijevala refundaciju i za troškove nabavke lijekova koji joj nisu indikovani, niti preporučeni od strane ljekara, kao i da se zahtjev odnosi i na vitaminske preparate koji se nalaze u slobodnoj prodaji, u režimu izdavanja bez recepta.	Vrhovni sud Republike Srpske 13 0 U 008086 24 Uvp

Privatizacija	Privatizacija	Nakon što je okončan postupak privatizacije, upis u javne knjige nekretnina i prava na nekretninama po osnovu Uredbe o upisu u javne knjige nekretnina i prava na nekretninama u postupku privatizacije se ne može voditi ni po zahtjevu Agencije za privatizaciju.	Vrhovni sud Federacije BiH 06 0 U 019929 25 Uvp
Upravni postupak			
Dostavljanje pismena	Promjena prebivališta, odnosno boravišta ili sjedišta	Da bi dostavljanje putem oglasne table organa bilo uredno, potrebno je da se o istom postoji u spisu dostavnica, iz koje bi se vidjelo kada je pismeno istaknuto na oglasnu tablu organa i kada je sa iste skinuto i samo to predstavlja dokaz o tome da je dostava izvršena, što je bitno jer protekom tog roka od osam dana od kada je pismeno istaknuto na oglasnu tablu teče rok za izjavljivanje žalbe.	Vrhovni sud Republike Srpske 11 0 U 034732 24 Uvp
Ponavljanje/Obnova postupka	Pokretanje ponavljanja/obnove postupka	Kod činjenice da prvostepeni organ nije pozvao tužiteljicu da učestvuje u postupku izlaganja, niti joj je dostavljao odluke, ista osnovano ukazuje da su ispunjeni uslovi da se dozvoli ponavljanje postupka koji je okončan rješenjem od 10.5.2021. godine, jer tužiteljica, kao lice koje je upisano sa pravom susvojine na nepokretnostima koje su bile predmet izlaganja, ima pravo da učestvuje u tom postupku i preuzima radnje radi zaštite svojih prava u pogledu tih nepokretnosti.	Vrhovni sud Republike Srpske 16 0 U 002476 25 Uvp
Ponavljanje/Obnova postupka	Pokretanje ponavljanja/obnove postupka	Pravilno je nižestepeni sud zaključio da tužilac uz prijedlog za ponavljanje upravnog postupka nije dostavio nove dokaze saglasno odredbi člana 234 tačka 1) ZOUP, budući da se priložena medicinska dokumentacija ne može smatrati novim dokazom, jer je ista cijenjena u ranije vođenim postupcima, pa stoga ista ne može biti osnov za ponavljanje upravnog postupka.	Vrhovni sud Republike Srpske 15 0 U 005955 25 Uvp
Posebni slučajevi poništavanja, ukidanja i mijenjanja rješenja	Oglašavanje rješenja ništavim	Ne može se oglasiti ništavim rješenje iz razloga što stranka nije učestvovala u upravnom postupku, s obzirom da takav nedostatak nije predviđen razlogom ništavosti odredbama Zakona o premjeru i katastru Republike Srpske („Službeni glasnik Republike Srpske“, broj: 6/12, 110/16, 62/18 i 90/23), već predstavlja razlog za podnošenje vanrednog pravnog lijeka, propisanog odredbom člana 234 tačka 9) ZOUP.	Vrhovni sud Republike Srpske 15 0 U 005969 24 Uvp

Žalba	Rješavanje drugostepenog organa po žalbi	Tuženi je u konkretnoj situaciji primijenio član 224. stav 1. ZOUP, s obzirom da prvostepeni organ nije odbacio žalbu tužiteljice, kao izjavljenu od neovlašćenog lica, što je učinjeno osporenim aktom, dok nije bilo nikakvih uslova da se žalba uzme u rad, kako to pogrešno zaključuje nižestepeni sud u pobijanoj presudi, jer tužiteljica nema svojstvo stranke u upravnom postupku.	Vrhovni sud Republike Srpske 11 O U 034349 24 Uvp
Upravni spor			
Rješavanje spora	Spor pune jurisdikcije	Da bi presuda u sporu pune jurisdikcije zamijenila poništeni upravni akt, budući da ona stvara obavezu za nadležne upravne organe da izvrše tu presudu, izreka presude mora da sadrži odluku o poništenju osporenog upravnog akta i odluku o žalbi, te samoj upravnoj stvari, pri čemu mora da bude jasna i podobna za izvršenje.	Vrhovni sud Republike Srpske 11 O U 034890 24 Uvp
Rješavanje spora	Sadržaj presude/rješenje	Ispravno je postupio nižestepeni sud kada je rješenjem izvršio spajanje dva predmeta radi zajedničkog raspravljanja, budući da je objema tužbama u oba upravna spora traženo poništenje istog upravnog akta tužene, međutim donoseći presudu kojom je odbio „tužbu“ sud je povrijedio pravila postupka, jer izreka presude kojom se odlučuje o „tužbi“ nije u saglasnosti sa njenim uvodom i obrazloženjem iz kojih proizilazi da se odlučuje o dvije tužbe i razmatraju navodi oba tužioca.	Vrhovni sud Republike Srpske 11 O U 034642 24 Uvp
Vanredna pravna sredstva / lijevovi	Ponavljjanje postupka	Protiv odluke koju je Okružni sud donio po prijedlogu za ponavljanje upravnog spora, na način da je prijedlog odbacio ili odbio, stranka ima pravo žalbe, koja se podnosi istom sudu koji o žalbi odlučuje u vijeću od trojice sudija, a koji nisu učestvovali u donošenju odluke u ranijem postupku, a ne Vrhovnom sudu Republike Srpske.	Vrhovni sud Republike Srpske 11 O U 038370 25 UŽ